

Ein Gebet vmb Auffne- mung des Bergwercks.

Almächtiger ewiger Gott/
Himlischer Vater / der du
Berg vnd Thal / Kluffte
vnd Gänge schaffest / vnd
sie mit schönen Geschicken
veredelest / vnd leffest Silber vnd Ertz
wachsen / zur Nothdurfft der Menschen /
wir bitten deine milde Güte / du wöllest
diß Bergwerck aus Gnaden segnen / vnd
vns nach deinem Willen Ertz bescheren /
vnd deinen Geist vñ Gnade vns mitthei-
len / daß wirs zu deiner Ehre / vnd zu er-
haltung deines Worts vñnd täglicher
Nothdurfft seliglich gebrauchen / vnd
vnserm Nehesten Christlich damit die-
nen / durch Iesum Christum vnsern
Herrn / Amen.

Qqqqqq

TENOR.